

唐

音

統

籤

丙籤六十杜甫之二十一 唐音統籤卷十一百九

五言律詩七

送裴五赴東川

故人亦流落高義動乾坤何日通燕塞相看老蜀門東行應暫別北望若銷冤凜凜悲秋意非君誰與論

逢唐興劉主簿弟

分手開元末連年絕尺書江山且相見戎馬未安居劔外官人冷關中驛使踈輕舟下吳會主簿意何如一作使一騎

和裴迪登新津寺寄王侍郎

王時為蜀牧

何限倚山木
吟詩秋葉黃
蟬聲集古寺
鳥影度寒塘
風物悲遊子
登臨憶侍郎
老夫會佛日
隨意宿僧房

敬簡王明府

葉縣郎官宰周南
太史公神仙才有數
流落意無窮
驥病思偏秣
鷹愁怕苦籠
看君用高義
耻與萬人同

愁一作秋

重簡王明府

甲子西南異
冬來只薄寒
江雲何夜靜
蜀雨幾時

乾行李須相問窮愁豈自寬君聽鴻鴈響恐致稻

梁難

自一作有

聞斛斯六官未歸

故人南郡去去索作碑錢本膏文為活翻令室倒
懸荆扉深蔓草土銜冷踈煙老罷休無賴歸來省
醉眠

江漲

江發巒夷漲山添雨雪流大聲吹地轉高浪蹴天
浮魚鼉為人得蛟龍不自謀輕帆好去使吾道付
滄洲

朝雨

涼氣晚蕭蕭江雲亂眼飄風駕歲近渚雨燕集深
條黃綺終辭漢巢由不見堯草堂尊酒在幸得過
清朝

晚晴

村晚驚風度庭幽過雨霑夕陽薰細草江色映疎
簾書亂誰能快杯乾自可添時聞有餘論未怪老
夫潛

庭幽一作幽亭

草堂即事

荒村建子月獨樹老夫家雪裏江船渡風前逕竹

斜寒魚依密簾宿鶯起圓沙蜀酒禁愁得無錢何
處賒

徐九少尹見過

晚景孤村僻行軍數騎來交新徒有喜禮厚媿無
才賞靜憐雲竹忘歸步月臺何當看花蕊欲發照
江梅

范二員外逸吳十侍御郁特枉駕闕展待聊
寄此作

暫往比鄰去空聞二妙歸幽棲誠簡略衰白已光
輝野外貧家遠村中好客稀論文或不愧重肯款

柴扉

王竟攜酒高亦同過共用寒字

臥病荒郊遠通行小徑難故人能領客攜酒重相
看自愧無絳菜空煩卸馬鞍移時勸山簡頭白恐
風寒也高每云汝年幾小且不必小於我此句戲之

觀作橋成月夜舟中有述還呈李司馬

把燭橋成夜迴舟客坐時天高雲去盡江迴月來
遲衰謝多扶病招邀屢有期異方乘此興樂罷不
無悲

梔子

梔子比衆木人間誠未多於身色有用與道氣傷
和紅取風霜實青看雨露柯無情移得汝貴在映
江波

鷓鴣

故使籠寬織須知動損毛看雲莫悵望失水任呼
號六翮曾經翦孤飛卒未高且無鷹隼慮留滯莫
辭勞

花鴨

花鴨無泥滓堦前每緩行羽毛知獨立黑白太分
明不覺羣心妬休牽眼衆驚稻梁露汝在作意莫

先鳴

塔前一作中
庭需一作知

畏人

早花隨處發春鳥異方啼
萬里清江上三年落日
低畏人成小築
禰性合幽棲
門逕從榛草無心待
馬蹄

可惜

花飛有底急老去
願春遲可惜歡娛地
都非少壯時
寬心應是酒遣興
莫過詩此意
陶潛解吾生後
汝期

落日

落日在簾鉤，溪邊春事幽。
芳菲綠岸圓，樵爨倚灘舟。
啁雀爭枝墜，飛蟲滿院遊。
濁醪誰造汝，一酌散千憂。

獨酌

步履深林晚，開尊獨酌遲。
仰蜂粘落絮，行蟻上枯梨。
薄劣慙真隱，幽偏得自怡。
本無軒冕意，不是傲當時。

行一作倒

廣州段功曹到得揚五長史書功曹却歸聊
寄此詩

衛青開幕府，揚僕將樓船。
漢節梅花外，春城海水

邊銅梁書遠及珠浦使將旋貧病他鄉老煩君萬里傳

得廣州張判官叔卿書使還以詩代意

鄉關騎遠宇宙蜀城偏忽得炎州信遙從月峽傳雲深驪騎暮夜隔孝廉船却寄雙愁眼相思淚點懸

送段功曹歸廣州

南海春天外功曹幾月程峽雲籠樹小湖日蕩船
明交趾丹砂重韶州白葛輕幸君因估客時寄錦

官城

萬一作落
估一作旅

魏十四侍御就樊廬相別

有客騎驄馬江邊問草堂
遠尋留藥價惜別到文
場八幕旌旗動歸軒錦繡香
時應念衰疾書疏及
滄浪疏一作跡

贈別何邕

生死論交地何由見一人
悲君隨燕雀薄宦走風
塵絲谷元通漢沱江不向秦
五陵花滿眼傳語故
鄉春

贈別鄭鍊赴襄陽

戎馬交馳際柴門老病身
把君詩過日念此別驚

神城闕峨眉晚天高峴首春為於耆舊內試覓姓

龐人

日一作目
晚一作晚

舟前小鵝兒

漢州城西北角官池作

鵝兒黃似酒對酒愛新鵝引頸噴船逼無行亂眼
多翅開遭宿雨力小困滄波客散層城暮狐狸奈
若何

水檻遣心二首

去郭軒楹敞無村眺望賒澄江平少岸幽樹晚多
花細雨魚兒出微風燕子斜城中十萬戶此地兩
三家

其二

蜀天常夜雨江檻已朝晴
紫潤林塘密衣乾枕席
清不堪祗老病何得尚浮名
淺把涓涓酒深凭送此生

屏跡二首

用拙存吾道幽居近物情
桑麻深雨露燕雀半生
成村鼓時時急漁舟箇箇輕
杖藜從白首心跡喜
雙清

其二

晚起家何事無營地轉幽
竹光圍野色山影漾江

流失學從兒懶長貧任婦愁百年渾渾得醉一月不

梳頭

山一作舍

五言律詩八之上

嚴公廳宴同詠蜀道畫圖得空字

日臨公館靜畫列地圖雄
斂閣星橋北松州雪嶺
東華夷山不斷吳越水相通
興與煙霞會清尊幸
不空

寄高適

楚隔乾坤遠難招病客
薨詩名唯我共世事與誰
論北闕更新主南星落故園
定知相見日爛熳倒

芳尊

奉濟驛重送嚴公四韻

遠送從此別青山空復情
幾時盃重把昨夜月同行
列郡謳歌惜三朝出入榮
江村獨歸處寂寞養殘生

悲秋

涼風動萬里群盜尚縱橫
家遠傳書日秋來為客情
愁窺高鳥過老逐衆人行
始欲投三峽何由見

兩京

窺一作歸

客夜

客牖何曾著，秋天不肯明。
入簾殘月影，高枕遠江聲。
計拙無衣食，途窮仗友生。
老妻書數紙，應悉未

歸情

作入一捲

客亭

秋窓猶曙色，木落更天風。
日出寒山外，江流宿霧中。
聖朝無棄物，老病已成翁。
多少殘生事，飄零任轉蓬。

轉蓬

末句一作飄蓬似轉蓬

戲題寄上漢中王三首

時王在梓州初至斷

酒不飲篇中有戲

西漢親王子，成都老客星。
百年雙白鬢，一別五秋

螢忍斷盃中物，祇看座右銘。不能隨阜蓋，自醉逐

浮萍。

祇一作眠。

其二

策杖時能出玉門，異昔遊已知嗟不起。未許醉相留，蜀酒濃無敵。江魚美可求，終思一酌酌。淨掃鴈池頭。

其三

羣盜無歸路，衰顏會遠方。尚憐詩警策，猶憶酒顛狂。魯衛彌尊重，徐陳畧喪亡。空餘枚叟在，應念早升堂。

贈韋贊善別

扶病送君發自憐
猶不歸祇慮盡容
淚復作掩荆扉
江漢故人少音書
從此稀往還二十
載歲晚寸心遠

九日登梓州城

伊昔黃花酒如今
白髮翁追歡筋力
異望遠歲時同
弟妹悲歌裏朝廷
醉眼中兵戈與關
塞此日意無窮

九日奉寄嚴大夫

九日應愁思經時
冒險艱不眠持漢
節何路出巴

山小驛香醪嫩重巖細菊班遙知簇鞞馬回首白雲間

題玄武禪師屋壁

何年顧虎頭滿壁畫滄洲赤日石林氣青天江海流錫飛常近鶴杯渡不驚鷗似得廬山路真隨慧遠遊

滄一作瀛

翫月呈漢中王

夜深露氣清江月滿江城浮客轉危坐歸舟應獨行關山同一點烏鵲自多驚故得淮王術風吹暈

已生

點世本作照

陪王侍御宴通泉東山野亭

江水東流去，清尊日復斜。
異方同宴賞，何處是京華。
亭景臨山水，村煙對浦沙。
狂歌遇形勝，得醉即為家。

遠遊

賤子何人記，迷方著處家。
竹風連野色，江沫擁春沙。
種藥扶衰病，吟詩解數嗟。
似聞騎走失，喜問

京華

春日梓州登樓二首

行路難如此，登樓望欲迷。
身無却少壯，跡有但窮

栖江水流城郭春風入鼓鞀雙雙新燕子依舊已
銜泥

其二

天畔登樓眼隨風入故園戰場今始定移柳更能
存厭蜀交遊冷思吳勝事繁應須理舟楫長嘯下
荆門

風一作春

花底

紫萼扶千葉黃鬢照萬花忽疑行暮雨何事入朝
霞恐是潘安縣堪留衛玠車深知好顏色莫作委
泥沙

柳邊

只道梅花發那知柳亦新
枝枝總到地葉葉自開春
紫燕時翻翼黃鸝不露身
漢南應老盡灞上遠愁人

丙籤六十杜甫之二十二 唐音統籤卷十一百九

五言律詩八之下

鄴城西原送李判官允武判官弟赴成都府
憑高送所親，久坐惜芳辰。遠水非無浪，他山自有
春。野花隨處發，官柳着行新。天際傷愁別，離筵何
太頻。

題鄴原郭三十二明府茅屋壁

江頭且繫船，爲爾獨相憐。雲散灌壇雨，春青彭澤
田。頻驚適小國，一擬問高天。別後巴東路，逢人問
幾賢。

奉送崔都水翁下峽

無數涪江筏，鳴橈總發時。
別離終不久，宗族忍相遺。
白狗黃牛峽，朝雲暮雨祠。
所過憑問訊，到日自題詩。

陪李梓州王閬州蘇遂州李果州四使君登
惠義寺

李梓州一作韋梓州

春日無人境，虛空不住天。
鶯花隨世界，樓閣倚山巔。
遲暮身何得，登臨意惘然。
誰能解金印，瀟灑共安禪。

陪江汎舟送韋班歸京得山字

追餞同舟日傷春一水間飄零爲客久衰老羨君
還花雜重重樹雲輕處處山天涯故人少更益鬢
毛班雜一作遠

送竇九歸成都

文章亦不盡竇子才縱橫非爾更苦節何人符大
名讀書雲閣觀問絹錦官城我有浣花竹題詩須
一行更一作持

汎江送客

二月頻送客東津江欲平烟花山際重舟檝浪前

輕淚逐勸杯落愁連吹笛生離筵不隔日那得易
爲情

上牛頭寺

青山意不盡衮衮上牛頭無復能拘礙真成浪出
遊花濃春寺靜竹細野池幽何處鶯啼切移時獨
未休

望牛頭寺

牛頭見鶴林梯逕遠幽深春色浮山外天河宿殿
陰傳燈無白日布地有黃金休作狂歌老回看不
住心

上兜率寺

兜率知名寺真如會法堂江山有巴蜀棟宇自齊梁
庾信衰雖久何顯好不忘白牛連遠近且欲上
慈航

望兜率寺

樹密當山徑江深隔寺門霏霏雲氣重閃閃浪花
翻不復知天大空餘見佛尊時應清盥罷隨喜給
孤園

汎江送魏十八倉曹還京因寄岑中允參范
郎中李明

唐音續集
遲日深江水輕舟送別筵帝鄉愁緒外春色淚痕
邊見酒湏相憶將詩莫浪傳若逢岑與范爲報各
衰年江一作春

登牛頭山亭子

路出叢林外亭窺萬井中江城孤照日春谷遠含
風兵革身將老關河信不通猶殘數行淚忍對百
花叢春一作山

五言律詩九

送何侍御歸朝

李梓州泛舟筵上作

舟楫諸侯餞車輿使者歸山花相映發水鳥自孤

飛春日垂霜鬢天隅把繡衣故人從此去寥落寸
心違

數陪章梓州汎江有女樂在諸舫戲鳥豔曲

二首以贈章

章一
作李

以贈章三
字近本無

上客回空騎佳人滿近船江清歌扇底野曠舞衣
前玉袖凌風竝金壺隱浪偏競將明媚色偷眼豔
陽天

其二

白日移歌袖青霄近笛牀翠眉縈度曲雲鬢儼分
行立馬千山暮迴舟一水香使君自有婦莫學野

鴛鴦

零一作宵

惠義寺送王少尹赴成都分得峯字

苒苒谷中寺娟娟林表峰
闌干上處遠結構坐來
重騎馬行春逕衣冠起
暮鍾雲門春寂寂此別惜
相從

青一作春

送常郎司直歸成都

竄身來蜀地同病得常郎
天下兵戈滿江邊歲月
長別筵花欲暮春日鬢俱
蒼烏問南溪竹抽梢合

過牆

余草堂在成都西郭浣花里

巴西驛亭觀江漲呈竇使君

宿雨南江漲波濤亂遠峰孤亭凌噴薄萬井逼春
容霄漢愁高鳥泥沙困老龍天邊同客舍攜我豁
心胃

又呈竇使君二首

轉驚波作惡即恐岸隨流賴有杯中物還同海上
鷗關心小剡縣傍眼見揚州爲接情人飲朝來減
片愁

惡一作
作愁

其二

向晚波微綠連空岸腳青日羨春有暮愁與醉無
醒漂泊猶杯酒踟躕此驛亭相看萬里外同是一

浮萍

微一作猶
作日外一作客

行次鹽亭縣題四韻奉簡嚴遂州蓬州兩使

君咨議諸昆玉

玉一作李

馬首見鹽亭高山擁青縣雲溪花淡淡春郭水冷
冷全蜀多名士嚴家聚福星長歌意無極好爲老

夫聽

淡淡一作漢漢

倚杖

看花雖郭外倚杖即溪邊山縣早休市江橋春聚

船狎鷗輕白浪歸雁喜青天物色兼生意淒涼憶

去年

外一作內
一作日雁一作野
一作鳥

陪王漢州留杜綿州汎房公西池

舊相思追後春池賞不稀
闕庭分未到舟楫有光輝
鼓化萼絲熟刀鳴繪縷飛
使君雙卓蓋灘淺正相依

甘園

春日清江岸千其二頃園青雲
羞葉密白雪避花繁
結子隨邊使開筒近至尊
後於桃李熟終得獻

金門

羞一作著

臺上得涼字

改席臺能迥留門月復光
雲霄遺暑濕山谷進風

涼老去一盃足誰憐屢舞長何須把官燭似惱鬢

毛蒼

能一作爲

隨章留後新亭會送諸君

新亭有高會行子得良時日動映江幕風鳴排檻
旗絕葦終不改勸酒欲無詞已墮峴山淚因題零
雨詩

章梓州水亭

時漢中王秉道
士席謀在會

同用荷
字韻

城晚通雲霧亭深到芰荷吏人橋外少秋水席邊
多近屬淮王至高門蒯子過荊州愛山簡吾醉亦

長歌

送元二適江左

元結也

亂後今相見，秋深復遠行。
風塵爲客日，江海送君情。
晉室丹陽尹，公孫白帝城。
經過自愛惜，取次莫論兵。

客舊館

陳跡隨人事，初秋別此亭。
重來梨葉赤，依舊竹林青。
風幔何時卷，寒砧昨夜聲。
無由出江漢，愁緒日冥冥。

薄暮

江水最深地，山雲薄暮時。
寒花隱亂草，宿鳥擇深

月千系圖
枝舊國見何日高秋心苦悲人生不再好鬢髮白
成絲

薄遊

浙浙風生砌團團月隱牆遙空秋雁滅半嶺暮雲
長病葉多先墜寒花只暫香巴城添淚眼今夕復

清光

戒一作過
清一作秋

閩州奉送二十四舅使自京赴任青城

聞道王喬鳥名因太史傳如何碧雞使把詔紫微
天秦嶺愁回馬涪江醉汎船青城漫污雜吾舅意
凄然

放船

送客蒼溪縣山寒雨不開直愁騎馬滑故作泛舟
迴青惜峰巒過黃知橘柚來江流大自在坐穩興
悠哉

舟一作船
大一作萃

對雨

莽莽天涯雨江邊獨立時不愁巴道路恐失漢旌
旗雲嶺防秋急繩橋戰勝遲西戎甥舅禮未敢背
恩私

失舊
作瀟

警急

時高遠領西
川節度使

才名舊楚將妙略擁兵機玉壘雖傳檄松州會解

厚音續集
園和親知計拙公主漫無歸青海今誰得西戎實
飽飛

王命

漢北豺狼蒲巴西道路難血埋諸將甲骨斷使臣
鞍牢落新燒棧蒼茫舊築壇深懷喻蜀意慟哭望
王官

征夫

十室幾人在千山空自多路衢唯見哭城市不聞
歌漂梗無安地銜枚有荷戈官軍未通蜀吾道竟
如何

西山三首

夷界荒山頂蕃州積雪遠築城依白帝轉粟上青天蜀將分旗鼓羌兵助鎧鉞西南背和好殺氣日相纏

其二

辛苦三城戍長防萬里秋烟塵侵火井雨雪閉松州風動將軍幕天寒使者裘漫山賊營壘迴首得無憂

其三

子弟猶深入關城未解圍蠶崖鐵馬瘦灌口米船

稀辯士安邊策元戎決勝威今朝烏鵲喜欲報凱
歌歸

遣憂

亂離知又甚消息苦難真受諫無今日臨危憶古
人紛紛乘白馬攘攘著黃巾隋氏留官室焚燒何

太頰

著一作看

巴山

巴山遇中使云自峽城來盜賊還奔突乘輿恐未
回天寒邵伯樹地闊望仙臺狼狽風塵裏群臣安
在哉

丙籤六十杜甫之二十三 唐音統籤卷一百九

五言律詩十

早花

西京安穩未不見一人來臘月巴江曲山花已自
開盈盈當雪杏豔豔待春梅直苦風塵暗誰憂客
鬢催春一作香
客一作容

城上

草滿巴西綠空城白日長風吹花片片春動水茫
茫八駿隨天子羣臣從武皇遙聞出巡狩早晚遍

遐荒

動一作
蕩

送李卿暉

王子思歸日長安已亂兵露衣問行在走馬向承
明暮景巴蜀僻春風江漢清晉山雖自棄魏闕尚
含情

歲暮

歲暮遠爲客邊隅還用兵煙塵犯雪嶺鼓角動江
城天地日流血朝廷誰請纓濟時敢愛死寂寞批
心驚

舍弟占歸草堂檢校聊示此詩

久客應吾道相隨獨爾來熱如江路近頻爲草堂

秦黃閣長司諫丹墀有故人
向來論社稷爲話涕
霑巾

汎江

方舟不用楫極目總無波
長日容盃酒深江淨綺
羅亂雜還奏樂飄泊且聽歌
故國流清渭如今花
正多

江亭送眉州辛別駕昇之得燕字

柳影含雲幕江波近酒壺
異方驚會面終宴惜征
途沙暖低風蝶天晴喜浴
鳧別離傷老大意踏日

荒蕪

暖一作速

陪王使君晦日汎江就黃家亭子二首

山路何時斷江平不肯流稍如花改岸始驗鳥隨
舟結束多紅粉歡娛恨白頭非君愛人客晦日更
添愁

其二

有徑金沙軟無人碧草芳野畦連蛟蝶江檻俯鴛
鴦日晚煙花亂風生錦繡香不須吹急管棄老易
悲傷

江亭王閩州筵餞蕭遂州

離亭非舊國春色是他鄉老畏歌聲短愁從舞曲

長二天開寵餞五馬爛生光川路風烟接俱宜下

鳳凰

生一作拜

滕王亭子

寂寞春山路君王不復行古牆猶竹色虛閣自松聲
鳥雀荒村暮雲霞過客情尚思歌吹入千騎把
霓旌

玉臺觀

浩劫因王造平臺訪古遊綠雲蕭史駐文字魯恭
留宮闕通拜帝乾坤到十洲人傳有笙鶴時過北
山頭

渡江

春江不可渡二月已風濤舟楫欹斜疾魚龍偃臥
高渚花張素錦汀草亂青袍戲問垂輪客悠悠見
汝曹

暮寒

霧隱平郊樹風含廣岸波沉沉春色靜慘慘暮寒
多戍鼓猶長擊林鶯遂不歌忽思高宴會朱甍拂
雲和

遊子

巴蜀愁誰語吳門興杳然九江春草外三峽暮帆

前厭就成都卜休爲吏部眠蓬萊如可到葉白問
群仙

雙燕

旅食驚雙燕銜泥入此堂應同避燥濕且接過失
涼養子風塵際來時道路長今秋天地在吾亦離
殊方

百舌

百舌來何處重重祇報春知者兼衆語整翮豈多
身花密藏難見棲高聽轉新過時如發口君側有
讒人

自閬州領妻子却赴蜀山行三首

汨汨避群盜悠悠經十年不成向南國後作遊西
川物役水盧照冤傷山寂然我生無倚著盡室是
途違

其二

長林偃風色迴後意猶迷衫袞翠微潤馬銜青草
嘶棧懸斜避石橋斷却尋路何日兵戈盡飄飄愧
老妻

兵一作干

其三

行色遽隱見人煙時有無僕夫穿竹語稚子入雲

呼轉石驚魃魃杼弓落抗豨直供一笑樂似欲慰窮途

閩州別房太尉墓

今本無閩州二字

他鄉後行役駐馬別孤墳近淚無乾土低空有斷雲對墓陪謝傅把劍覓徐君唯見林花落鶯啼送客聞

五言律詩十一之上

歸來

客裏有所適歸來知路難開門野鼠走散快壁魚乾洗杓開新醞低頭著小冠慙誰給麴蘖細酌老

江干

通一作過
開一作料
新

過南鄰朱山人水亭

相近竹參差，相過人不知。
幽花散滿樹，曲水細通池。
歸客村非遠，殘樽席更移。
看君多道氣，從此數

追隨

曲水相通
池一作通
池

過故斛斯校書莊二首

老婦艱難時病於庸
蜀數其段使方授一

官

此老已云歿，鄰人嗟未休。
竟無宣室召，徒有茂陵求。
妻子寄他食，園林非昔遊。
空餘總惟在，淅淅野風秋。

嗟一作歎
一作道

其二

燕入非傍舍，鷓歸秣。故池斷橋無，後版卧柳自生。
杖筵有山陽，作多慙。鮑叔知素交，零落盡白首。淚
雙垂。

寄邛州崔錄事

邛州崔錄事，聞在果園坊。久待無消息，終朝有底
忙。應愁江樹遠，怯見野亭荒。浩蕩風塵外，誰知酒
熱香。

一作相

長吟

江渚翻鷗戲，官橋帶柳陰。江飛競渡日，草見踏青

心已撥形骸，累真爲爛熳。深賦詩新句，穩不覺自
長吟。

軍中醉飲寄沈八劉叟

酒渴愛江清，餘酣漱晚汀。軟沙歌坐穩，冷石醉眠
醒。野膳隨行帳，華音發從伶。數杯君不見，都已遣
沈冥。

都一作
醉

村雨

雨聲傳兩夜，寒事颯高秋。攬帶看朱泚，開箱覩黑
裘。世情只益睡，盜賊敢忘憂。松菊新霑洗，茅齋慰

遠遊。

攬一作
挈

倦夜

竹涼侵卧内野月滿庭隅
重露成涓滴稀星乍有
無暗飛螢自照水宿鳥相呼
萬事干戈裏空悲清
夜徂

樹間

岑寂雙井樹婆娑一院香
交柯低几杖垂實礙衣
裳滿歲如松碧同時待菊黃
幾回霜葉露乘月虫

秋

作坐上一

送舍弟穎赴齊州三首

岷嶺南蠻北徐關東海西北
行何日到送汝萬行

啼絕城惟高枕清風獨杖藜危時暫相見衰白意
都迷

其二

風塵暗不開汝去幾時來兄弟分離苦形容老病
催江通一柱觀日落望鄉臺客意長東北齊州安
在哉

其三

諸姑今海畔兩弟亦山東去傍干戈覓來看道路
通短衣防戰地匹馬逐秋風莫作俱流落長瞻碣
石鴻

嚴鄭公階下新松得露字

弱質豈自負，移根方爾瞻。
細聲聞玉帳，疎翠近珠簾。
未見紫煙集，虛蒙清露霑。
何當一百丈，歆蓋擁高簷。

嚴鄭公宅同詠竹得香字

綠竹半含籜，新梢纔出牆。
色侵書帙晚，陰逼酒尊涼。
雨洗娟娟淨，風吹細細香。
但令無剪伐，會見拂雲長。

晚秋陪嚴鄭公摩訶池汎舟得溪字

池在府內蕭摩訶所開因是得名

滿
馭
風
醒
酒
缸
回
霧
起
隄
高
城
秋
自
落
雜
樹
晚
相
迷
坐
觸
鴛
鴦
起
巢
傾
翡
翠
低
莫
須
驚
白
鷺
爲
伴
宿
清
溪

丙籤六十杜甫之二十四 唐音統籤卷一百九

五言律詩十一之下

初冬

垂老戎衣窄歸休寒色深
漁舟上急水獵火著高
林日有習池醉愁來梁甫吟
干戈未偃息出處遂
何心有一作暮

觀李固請司馬弟山水圖三首

簡易高人意匡牀竹火爐
寒天留遠客碧海挂新
圖雖對連山好貪看絕島孤
羣仙不愁思冉冉下
蓬壺

其二

方丈渾連水天白總映雲人間長見畫老去恨空
聞范蠡舟偏小王喬鶴不羣此生隨萬物何處出
塵氛

其三

高浪垂翻屋崩崖欲壓牀野橋分子細沙岸遶微
茫紅浸珊瑚短青懸薜荔長浮查並坐得仙老暫
相將

正月三日歸溪上有作簡院內諸公

野外堂依竹籬邊水向城蟻浮仍臘味鷗泛已春

聲藥許鄰人
斷書從稚子
擎白頭
趨幕府
深覺負平生

春日江村五首

農務村村急
春流岸岸深
乾坤萬里眼
時序百年心
茅屋還堪賦
桃源自可尋
艱難昧生理
飄泊到如今

其二

迢遞來三蜀
蹉跎又六年
客身逢故舊
發興自林泉
過懶從衣結
頻遊任履穿
藩籬頗無限
恣意向江天

頗無限一作無限景

其三

種竹交加翠栽桃爛熳紅
經心石鏡月到面雪山
風赤管隨王命銀章付老翁
豈知牙齒落名玷薦賢中

其四

扶病垂朱紱歸休步紫苔
郊扉存晚計幕府媿羣材
燕外晴絲卷鷗邊水葉開
鄰家送魚鼈問我能來

其五

羣盜哀王粲中年召賈生
登樓初有作前席竟為

榮宅入先賢傳才高處士名異時懷二子春日復
舍情

春遠

蕭蕭花絮晚菲菲紅素輕日長唯鳥雀春遠獨柴
荆數有關中亂何曾劍外清故鄉歸不得地入亞
夫營

去蜀

五載客蜀郡一年居梓州如何關塞阻轉作瀟湘
遊萬事已黃髮殘生隨白鷗安危大臣在何必淚
長流萬一作世
何一作不

喜雨

南國旱無雨今朝江出雲
入空繞漠漠灑迴已紛
紛巢燕高飛盡林花潤色分
晚來聲不絕應得夜深聞

宴戎州楊使君東樓

勝絕驚身老情忘發興奇
座從歌妓密樂任主人
為重碧拈春酒輕紅擘荔枝
樓高欲愁思橫笛未
休吹

渝州候嚴六侍御不到先下峽

聞道乘驄發沙邊待至今
不知雲雨散虛費短長

吟山帶鳥蠻關江連白帝深船經一柱觀留眼共

登臨

經一
作過

聞高常侍亡

中州作

歸朝不相見蜀使忽傳亡
虛歷金華省何殊地下
郎致君丹楹折哭友白雲長
獨步詩名在祗令故
舊傷

宴忠州使君姪宅

出守吾家姪殊方此日歡自須遊
阮舍不是怕湖
灘樂助長歌逸杯饒旅思寬
昔曾如意舞牽牽強
爲看

舍一作巷
遠一作送

五言律詩十二

禹廟

禹廟空山裏，秋風落日斜。
荒庭垂橘柚，古屋畫龍蛇。
雲氣生虛壁，江聲走白沙。
早知乘四載，疏鑿控三巴。

題忠州龍興寺所居院壁

忠州三峽內，井邑聚雲根。
小市常爭米，孤城早閉門。
空看過客淚，莫覓主人恩。
淹泊仍愁虎，深居賴獨園。

哭嚴僕射歸榭

素幔隨流水歸舟返舊京老親如宿昔部曲異平生
風送蛟龍雨天長驟騎營一哀三峽暮遺後見
君情

放船

收帆下急水卷幔返回灘江市戎戎暗山雲淦淦
寒荒村無徑入獨鳥怪人看已泊城樓底何曾夜

色關

村一作林

旅夜書懷

細草微風岸危檣獨夜舟星隨平野闊月湧大江
流名豈文章著官應老病休飄飄何所似天地一

沙鷗

隨一作垂

懷舊

地下蘇司業親情獨有君
那因喪亂後便自堯生
分老罷知明鏡悲來望白雲
自從失詞伯不復更
論文

八月十五夜月二首

滿目飛明鏡歸心折大刀
轉蓬行地遠攀桂仰天
高水路凝霜雪林棲見羽毛
此時瞻白兔直欲數

秋毫

疑一作疑

其二

稍下巫山峽猶銜白帝城氣沉全浦暗輪側半樓
明刁斗皆催曉蟾蜍且自傾張弓倚殘魄不獨漢
家營

雲安九日鄭十八攜酒陪諸公宴

寒花開已盡菊蕊獨盈枝舊摘人頻異輕香酒暫
隨地偏初衣袷山擁更登危萬國皆戎馬酣歌淚
欲垂

長江二首

衆水會涪萬瞿唐爭一門朝宗人共挹盜賊爾誰
尊孤石隱如馬高蘿垂飲猿歸心異波浪何事即

飛翻

其二

浩浩終不息乃知東極臨衆流歸海意萬國奉君
心色借瀟湘濶聲驅濫頽深木辭添霧雨接上遇
衣襟接上一作接下過一作過三字
必有誤衆本並同姑從疑闕
承開故房相公靈觀自閩州啓殯歸葬東都

有作二首

遠聞房太尉歸葬陸渾山一德興王後孤寬久客
間孔明多故事安石竟崇班他日嘉陵淚仍霑楚
水還尉一作守
淚一作涕

其二

丹旄飛飛日初傳發閩州風塵終不解江漢忽同
流劔動親身匣書歸故國樓盡哀知有處為客恐
長休

別常徵君

兕扶猶杖策卧病一秋強白髮少新洗寒衣寬總
長故人憂見及此別淚相忘各逐萍流轉來書細
作行

遣憤

開道花門將論功未盡歸自從收帝里誰復總戎

機蜂蠶終懷毒雷霆可震威莫令鞭血地再濕漢
臣衣

冬深

花葉隨天意江谿共石根
早霞隨類影寒水各依
痕易下楊朱淚難招楚客魂
風濤暮不穩捨棹宿
誰門

將曉二首

石城除擊柝鐵鎖欲開關
鼓角悲荒塞星河落曉
山巴人常小梗蜀使動無還
垂老孤帆色飄飄犯
百蠻

其二

軍吏回官燭舟人自楚歌寒沙蒙薄霧落月去清
波壯惜身名晚衰慙應接多歸朝日簪笏筋力定
如何回一作迴
如一作知

又雪

南雪不到地青崖霑未消微微向日薄脉脉去人
送冬熱鴛鴦病峽深豺虎驕慙邊有江水馬得北
之朝

送王侍御往東川放生池祖席

東川詩友合此贈怯輕為况復傳宗近空然惜別

離梅花交近野草色向平池
儻憶江邊卧歸期願
早知

懷錦水居止二首

軍旅西征僻風塵戰伐多
猶聞蜀父老不忘舜謳
歌天險終難立柴門豈重過
朝朝巫峽水遠逗錦
江波

其二

萬里橋西宅百花潭北莊
層軒皆面水老樹飽經
霜雪嶺界天白錦城曛日
黃惜哉形勝地回首一
茫茫

西一作南

老病

老病巫山裏，稽留楚客中。
藥殘他日裏，花發去年叢。
夜足霑沙雨，春多逆水風。
合分雙賜筆，猶作一飄蓬。

兩

冥冥甲子雨，已度立春時。
輕箑煩相向，纖絺恐自疑。
煙添纔有色，風引更如絲。
直覺巫山暮，兼催宋

玉悲

相一作
須

南楚

南楚青春異，暄寒早早分。
無名江上草，隨意嶺頭

雲正月蜂相見非時鳥共聞杖藜妨躍馬不是故
離羣

子規

峽裏雲安縣江樓翼瓦齊兩邊山木合終日子規
啼眇眇春風見蕭蕭夜色淒客愁那聽此故作傷
人低淒一作棲

寄贈王十將軍承俊

將軍膽氣雄臂懸兩角弓纏結青驄馬出入錦城
中時危未授鉞勢屈難為功賓客滿堂上何人高
義同

移居夔州郭

伏枕雲安縣，遷居白帝城。
春知催柳別，江與放船清。
農事聞人說，山光見鳥情。
禹功饒斷石，且就土微平。

官船下夔州，郭宿兩濕不得上岸。
別王十二判

依沙宿舸船，石瀨月涓涓。
風起春燈亂，江鳴夜雨懸。
晨鐘雲外濕，勝地石堂煙。
柔艣輕鷗外，含悽覺

汝賢

悽一作情

上白帝城

城峻隨天壁樓高更女牆江流思夏后風至憶襄
王老去聞悲角人扶報夕陽公孫初恃險躍馬意
何長

更一作望